

PWYLLGOR CRAFFU STRYDLUN A PHEIRIANNEG

(O Bell Trwy Teams)

Aelodau sy'n Bresennol:

Dydd Gwener, 2 Gorffennaf 2021

Cadeirydd:	Cynghorydd S.M.Penry
Is-gadeirydd:	Cynghorydd R.W.Wood
Cynghorwyr:	A.R.Aubrey, C.Galsworthy, D.Keogh, A.McGrath, W.F.Griffiths, R.Davies, J.Hale, S.A.Knoyle, S.Jones a/ac S.Lynch
Swyddogion sy'n Bresennol:	D.Griffiths, M.Roberts, A.Phillips, N.Headon a/ac C.Plowman
Gwahoddedigion:	Cynghorwyr M.Harvey, A.Wingrave, A.R.Lockyer, J.Miller, S.Miller, M.Protheroe, P.A.Rees a/ac S.H.Reynolds

1. COFNODION Y CYFARFOD BLAENOROL

Cymeradwywyd cofnodion y cyfarfod a gynhaliwyd ar 21 Mai 2021.

2. CRAFFU CYN PENDERFYNU

Craffodd y Pwyllgor ar yr eitemau canlynol ar agenda Bwrdd y Cabinet:

Cyllid Cyfalaf y Strydlun 2021/22

Cyflwynwyd adroddiad i'r Pwyllgor a oedd yn nodi'r dyraniad ariannol ar gyfer 'Gwelliannau i Strydlun yr Amgylchedd' a gynhwyswyd yn y gyllideb gyfalaf ar gyfer 2021/22.

Gofynnodd yr Aelodau a oedd lleoliadau eisoes wedi'u nodi ar gyfer adnewyddu arwyneb lliw ac arwyneb ffrithiant uchel, arwyddion negeseuon cyflymder a llochesi bysus newydd.

Cadarnhawyd bod gan Rheolwr y Rhwydwaith a Rhaglenni ar gyfer y gwasanaeth restr o leoliadau wedi'i blaenoriaethu ar gyfer adnewyddu arwynebau lliw ac arwynebau ffrithiant uchel; nid oedd

unrhyw leoliadau newydd wedi'u cynnwys ar y rhestr gan fod yr arian ychwanegol yn cael ei ddefnyddio i gynyddu'r buddsoddiad mewn cynnal y rheini a oedd eisoes ar waith fel rhan o gynlluniau diogelwch ar y ffyrdd. Tynnodd swyddogion sylw at y ffaith bod y cyngor wedi llwyddo i gael arian grant diogelwch ar y ffyrdd dros y blynyddoedd; rhoddwyd y rhain ar waith o ymateb i bryderon goryrru'r Aelodau ac ymchwilio i'r cofnodion damweiniau. Soniwyd bod llawer o arwynebau lliwgar wedi'u darparu megis arwyneb coch a gwyrdd a hefyd arwyneb gafael ffrithiant uchel; nid oedd y gyllideb wedi cynyddu dros amser, felly roedd yn ddefnyddiol iawn cael arian ychwanegol i ddal i fyny â'r gwaith cynnal a chadw.

O ran yr arwyddion negeseuon cyflymder, tynnwyd sylw at y ffaith bod llawer o'r arwyddion wedi'u gosod fel rhan o gynlluniau diogelwch ar y ffyrdd; byddai'r ffocws cychwynol ar amnewid yr arwyddion a oedd o gwmpas perimedr ysgolion, gan sicrhau eu bod i gyd yn addas i'r diben. Hysbyswyd yr Aelodau fod Llywodraeth Cymru ar hyn o bryd ar gam cyntaf symud i derfyn cyflymder diofyn o 20mya ledled Cymru; felly nid oedd Swyddogion yn mynd i fod yn blaenoriaethu amnewid arwyddion rhybudd 30mya mewn ardaloedd a allai newid i 20mya yn y dyfodol agos.

Cafwyd trafodaeth ynglŷn ag adnewyddu llochesi bysus. Esboniodd swyddogion fod 528 o lochesi bysus yn y Fwrdeistref Sirol, a thua 128 ohonynt yn llochesi arddull hysbysebu a oedd yn cael eu cynnal gan yr hysbysebwr yn gyfnewid am hawliau hysbysebu; roedd hyn yn gadael tua 400 o lochesi bysus i'r cyngor eu cynnal. Nodwyd bod £40,000 yn y gyllideb ar gyfer cynnal a chadw beunyddiol; byddai'r arian ychwanegol a ddyrannwyd yn helpu i ddarparu tua 15 o lochesi bysus newydd, gan mai cost gyfartalog llochesi bws newydd oedd tua £3,500 - £5,000.

Gofynnwyd a fyddai angen i Aelodau wneud cais os oedd angen llochesi bysus newydd arnynt yn eu ward. Esboniodd swyddogion fod llawer o lochesi bysus o ansawdd gwael yn y Fwrdeistref Sirol ar hyn o bryd yr oedd angen eu hamnewid; dyma fyddai'r flaenoriaeth yn y lle cyntaf. Soniwyd bod hyn yn amlygu'r angen am y cyfalaf ychwanegol i gynyddu'r buddsoddiad mewn cynnal a chadw'r llochesi bysus presennol.

Cadarnhawyd y byddai'r Swyddogion perthnasol yn rhoi gwybod i'r Aelodau os oedd angen gwneud unrhyw waith, a gynhwyswyd yn yr adroddiad a ddisbarthwyd, yn eu ward.

Diolchodd y Pwyllgor i'r holl Swyddogion yn y gwasanaeth am eu gwaith caled yn ystod y cyfnod anodd hwn.

Yn dilyn craffu, roedd y Pwyllgor yn gefnogol o'r argymhelliad i fynd i Fwrdd y Cabinet.

3. **BLAENRAGLEN WAITH**

Nododd yr Aelodau Flaenraglen Waith Craffu'r Strydlun a Pheirianeg ar gyfer 2021/22.

Cytunwyd y dylid trefnu Gweithdy Blaenraglen Waith Craffu'r Strydlun a Pheirianeg ar gyfer mis Hydref 2021.

4. **MYNEDIAD I GYFARFODYDD**

PENDERFYNWYD: Yn unol ag Adran 100A(4) a (5) o Ddeddf Llywodraeth Leol 1972, gwaherddir y cyhoedd o'r eitemau busnes canlynol a oedd yn cynnwys datganiadau posib o wybodaeth eithriedig, fel a ddiffinnir ym Mharagraff 14 o Ran 4 o Atodlen 12A y Ddeddf uchod.

5. **CRAFFU AR EITEM/EITEMAU PREIFAT CYN PENDERFYNU**

Dewisodd y pwyllgor graffu ar yr eitemau canlynol ar agenda Bwrdd y Cabinet:

Gwelliannau i Gyffordd Castell-nedd

Cafodd yr Aelodau wybodaeth am welliannau i gyffordd Castell-nedd fel y nodir yn yr adroddiad preifat a ddisbarthwyd.

Yn dilyn craffu, roedd y Pwyllgor yn gefnogol o'r argymhelliad i fynd i Fwrdd y Cabinet.

CADEIRYDD